









王學詒目錄卷之二

七言歌行

登樓

送友

黃

老將

燕文行

魏原行





王摩詰目錄卷之二

七言歌行

登樓歌

送友人歸山歌

黃雀癡

老將行

燕支行

桃源行

同崔傅答賢弟

送崔五太守

夷門歌

洛陽女兒行

故人張諲工詩善易卜兼能丹青草隸頃以

詩見贈聊獲酬之

隴頭吟

寒食城東即事

不遇詠

雙黃鵠歌送別

新秦郡松樹歌

青雀歌

贈徐中書望終南山歌

魚山神女祠歌二首

迎神曲

送神曲

白鼈渦

贈裴迪

榆林郡歌

問寇校書雙溪

寄崇梵僧

奉和聖製天長節賜宰臣歌應制


同比部員外十五夜游有懷靜者季

贈吳官

雪中憶李楫

送李睢陽

答張五弟



王摩詰目錄卷之二 終

王摩詰卷二



王摩詰詩集卷之二

唐 藍田王

維撰

宋 廬陵劉辰翁評

七言歌行

登樓歌

聊上君兮高樓。飛甍鱗次兮在下。俯十二兮通衢。綠槐參差兮車馬。却瞻兮龍首。前眺兮宜春。王畿鬱兮千里。山河壯兮咸秦。舍人下兮青宮。據胡床

今書空執戟疲於下位。老夫好隱今墻東。亦幸有
張伯英草聖。今龍騰虬躍。擺長雲。今捩迴風琥珀。
酒兮彫胡飯。君不御。今日將晚。秋風兮吹衣。夕鳥
兮爭返。孤砧發。今東城。林薄暮。今蟬聲遠。時不可
兮再得。君何爲兮偃蹇。

○送友人歸山歌

山寂寂兮無人。又蒼蒼兮多木。羣龍兮滿朝。君何
爲兮空谷。文寡和兮思深。道難知兮行獨。悅石上

不用楚詞自
適目前詞少
而意多尚覺
盤谷歌意為
凡

宋玉之下陶
潛之上甚似
晉人不知者
以為氣短知
者以為琴搵
之餘音也
碩云麗句極
多騷之變也

今流泉與松間兮草屋入雲中兮養雞上山頭兮
抱犢神與棗兮如瓜虎賣杏兮收穀愧不才兮妨
賢嫌既老而貪祿誓解印兮相從何詹尹兮可卜
山中人兮欲歸雲冥冥兮雨霏霏水驚波兮翠管
靡白鷺忽兮翻飛君不可兮褰衣山萬重兮一雲
混天地兮不分樹掩曖兮氛氳猿不見兮空聞忽
山西兮夕陽見東皋兮遠村平蕪綠兮千里眇惆
悵兮思君

黃雀癡

黃雀癡。黃雀癡。謂言青鵝是我兒。一一口銜食。養
得成毛衣。到大啁啾解游颺。各自東西南北飛。薄
暮空巢上。羈雌獨自歸。鳳凰九雛亦如此。慎莫愁
思憔悴損容輝。

老將行

少年十五二十時。步行奪取胡馬騎。射殺山中白
額虎。肯數鄴下黃鬚兒。一身轉戰三千里。一劔曾

滿篇風致。收
於處常嫩而
短使人情事
款絕起語嬌

一作游

一作陰山

顧云天然

嫩復勝老語

愈出愈奇

當百萬師。漢兵奮迅如霹靂。虜騎崩騰畏疾藜。衛

青不敗由天幸。李廣無功緣數奇。自從棄置更衰

頽云此下一段画出老退

朽。世事蹉跎成白首。昔時飛箭無全目。今日垂楊

生左肘。路傍時賣故侯瓜。門前學種先生柳。蒼茫

一作茫

古木連窮巷。寥落寒山對虛牖。誓令疏勒出飛泉。

不似潁川空使酒。賀蘭山下陣如雲。羽檄交馳日

頽云又突起一節

夕。聞節使三河募年少。詔書五道出將軍。試拂鐵

衣如雪色。聊持寶劔動星文。願得燕弓射天將。恥

一作敗

頽云老當益壯
須用雲中守
結方有力

頽云壯

令越甲鳴吾君一作吳軍莫嫌舊日雲中守
猶堪一戰立功

勲
純以隊杖務人

燕支行

漢家天將才且雄
來時謁帝明光宮
萬乘親推雙闕下
千官出餞五陵東
誓辭甲第金門裏
身作長城玉塞中
衛霍才堪一騎將
朝廷一作莫不數貳師功
趙魏燕韓多勁卒
關西俠少何咆勃
報讐只是聞嘗膽
飲酒不曾妨刮骨
畫戟彫戈白日寒
連旗大旆

顧云通前篇
是大學力

顧云叙得絕
妙

黃塵沒疊鼓。遙翻瀚海波。鳴笳亂動天。山月麒麟
錦帶佩吳鉤。颯踏青驪躍紫騮。拔劍已斷天驕臂。
歸鞍共飲月支頭。漢兵大呼一當百。虜騎相看哭
且愁。教戰雖令赴湯火。終知上將先伐謀。

○桃源行

漁舟逐水愛山春。兩岸桃花夾去津。一作古坐看紅樹不
知遠行盡。青溪不見人。作忽值山口潛行始隈隩。山開曠
望旋平陸。遙看一處攢雲樹。近入千家散花竹。樵

碩云不是摩
詰道不得

客初傳漢姓名。居人未改秦衣服。居人共住武陵
源。還從物外起田園。月明松下房櫳靜。日出雲中
雞犬喧。驚聞俗客爭來集。競引還家問都邑。平明
閭巷掃花開。薄暮漁樵乘水入。初因避地去人間。
更聞成仙遂不還。峽裏誰知有人事。世中遙望空
雲山。不疑靈境難聞見。塵心未盡思鄉縣。出洞無
論隔山水。辭家終擬長游衍。自謂經過舊不迷。安
知峯壑今來變。當時只記入山深。青溪幾度到雲

一作峯

一作及至

一作去

一作淨

一作鄉

一作曲

林春來徧是桃花水。不辨仙源何處尋。

同崔傅答賢弟

一作宛

一作舊

洛陽才子姑蘇客。杜苑殊非故鄉陌。九江楓樹幾
回青。一片揚州五湖白。揚州時有下江兵。蘭陵鎮
前吹笛聲。夜火人歸富春郭。秋風鶴淚石頭城。周
郎陸弟爲儔侶。對舞前溪歌白苧。曲几書留小史
家。草堂碁賭山陰墅。衣冠若話外臺臣。先數夫君
席上珍。更聞臺閣求三語。遙想風流第一人。

送崔五太守

一作未央

長安廐吏來到門。朱文露網動行軒。黃花縣西九
折坂。玉樹南宮五丈原。褒斜谷中不容噫。惟有白
雲當露冕。子午山裏杜鵑啼。嘉陵水頭行客飯。劔
門忽斷蜀川開。萬井雙流滿眼來。霧中遠樹刀州
出。天際澄江巴字回。使君年幾三十餘。少年白晢
專城居。欲持畫省郎官筆。回與臨邛父老書。

頌云不見斧
痕

夷門歌

董、許不可易
頤云容易數
語悉盡曲折

一作國

七雄雄雌猶未分。攻城殺將何紛紛。秦兵益圍邯
鄲急。魏王不救平原君。公子為嬴停駟馬。執轡愈
恭意愈下。亥為屠肆鼓刀人。嬴乃夷門抱關者。非
但慷慨獻奇謀。一作良意氣兼將身命酬。向風刎頸送公
子。七十老翁何所求。

洛陽女兒行

時年十六作

洛陽女兒對門居。纔可容顏十五餘。良人玉勒乘
驄馬。侍女金盤膾鯉魚。畫閣朱樓盡相望。紅桃綠

柳垂簷向。羅幃送上七香車。寶扇迎歸九華帳。狂
夫富貴在青春。意氣驕奢劇季倫。自憐碧玉親教
舞。不惜珊瑚持與人。春窻曙滅九微火。九微片片
飛花璫。戲罷曾無理曲時。粧成祇是熏香坐。城中
相識盡繁華。日夜經過趙李家。誰憐越女顏如玉。
貧賤江頭自浣紗。

故人張諲工詩善易卜兼能丹青草隸頃以
詩見贈聊獲酬之

碩云萱、說
故事不覺重
疊

次第轉摺恨
恍何限非長
篇可及

不逐東城游俠兒。隱囊紗帽坐彈碁。蜀中夫子時
開卦。洛下書生解詠詩。藥欄花徑衡門裏。時復據
梧聊隱几。屏風誤點惑孫郎。團扇草書驚內史。故
園高枕度三春。永日垂帷絕四鄰。自想蔡邕今已
老。更將書籍與何人。

隴頭吟

長安少年游俠客。夜上戍樓看太白。隴頭明月迥
臨關。隴上行人夜吹笛。關西老將不勝愁。駐馬聽

自是活動
碩云摩詰七
言絕高情景
故寔隨取隨
定

之雙淚流身經大小百餘戰。麾下偏裨萬戶侯。蘇一作涕
武纔為典屬國。節麾空盡海西頭。○作○零○落○

○寒食城東卽事

清溪一道穿桃李。演漾綠蒲涵白芷。谿上人家凡
幾家。落花半落東流水。蹴踘屢過飛鳥上。秋千競
出垂楊裏。少年分日作傲遊。不用清明兼上巳。

不遇詠

北闕獻書寢不報。南山種田時不登。百人會中身

碩云無緊慢說出

不預。五侯門前心不能。身投河朔飲君酒。家在茂
陵平安否。且共登山復臨水。莫問春風動楊柳。今
人作人多自私。我心不說君應知。濟人然後拂衣
去。肯作徒爾一男兒。

○雙黃鵠歌送別

時為節度判官在涼州作

天路來兮雙黃鵠。雲上飛兮水上宿。撫翼和鳴整
羽族。不得已。忽分飛。家在玉京朝紫微。主人臨水
送將歸。悲笳嘹唳垂舞衣。賓欲散兮復相依。幾往

返兮極浦。尚徘徊兮落暉。岸上火兮相迎。將夜入
今邊城。鞍馬歸兮佳人散。悵離憂兮獨含情。

○新秦郡松栢歌

青青山上松。數里不見今更逢。不見君心相憶。此
心向君君應識。爲君顏色高且閑。亭亭迥出浮雲
間。

青雀歌

青雀翅羽短。未能遠食玉山禾。猶勝黃雀爭上下。

唧唧空倉復若何。

○ 贈徐中書望終南山歌

晚下兮紫微。悵塵事兮多違。駐馬兮雙樹。望青山兮不歸。

魚山神女祠歌

○ 迎神曲

坎坎擊鼓。魚山之下。吹洞簫。望極浦。女巫進。紛屢舞。陳瑤席。湛清醑。風淒淒。今夜雨。神之來兮不來。

作又

一本上有不知二字

使我心一作使我心苦兮苦復苦。

○送神曲

紛進拜兮堂前。日眷眷兮瓊筵。來不言兮一作語意不傳。
作暮雨兮愁空山。悲急管思繁絃。靈之駕兮儼欲
旋。倏雲收兮雨歇。山青青兮水潺湲。一作消

白龜渦雜言泛筆

南山之瀑水兮。激石瀉瀑似雷驚。人相對兮不聞
語聲。翻渦跳沫兮蒼苔濕。蘚老且厚。春草為之不

生獸不敢驚動。鳥不敢飛鳴。白鼉渦濤戲漱。今委
身以縱橫。主人之仁兮。不網不鈎。得遂性以成生。

贈裴迪

雜言

不相見。不相見。來久。日日泉水頭。常憶同携手。携
手本同心。復歎忽分襟。相憶今如此。相思深不深。

○榆林郡歌

雜言

山頭松柏林。山下泉聲傷客心。千里萬里春草色。
黃河東流流不息。黃龍戍上游俠兒。愁逢漢使不

相識。

○問寇校書雙溪

君家少室西。復爲少室東。別來幾日。今春風新買。雙溪定何事。餘生欲寄白雲中。

○寄崇梵僧

崇梵僧。崇梵僧。秋歸覆金春不還。落花啼鳥紛紛亂。澗戶山窻寂寂閑。峽裏誰知有人事。郡中遙望空雲山。

奉和聖製天長節賜宰臣歌應制

大陽升兮照萬方。開闔闔兮臨玉堂。儼冕旒兮垂
衣裳。金天淨兮麗三光。彤庭曙兮延八荒。德合天
兮禮神遍。靈芝生兮慶雲見。唐堯后兮稷卨臣。匝
宇宙兮華胥人。盡九服兮皆四鄰。乾降瑞兮坤獻
珍。

同比部員外十五夜游有懷靜者李

雜言

承明少休沐。建禮省文書。夜漏行人息。歸鞍落日

餘懸知三五夕。萬戶千門闢。夜出曙翻歸。傾城滿
南陌。陌頭馳騁盡繁華。王孫公子五侯家。由來月
明如白日。共道春燈勝百花。聊看侍中千寶騎。強
識小婦七香車。香車寶馬共喧闐。箇裏多情俠少
年。競向長楊柳市北。肯過精舍竹林前。獨有仙郎
心寂寞。却將晏坐爲行樂。倘覺忘懷共往來。幸露
同舍甘藜藿。

○贈吳官

長安客舍熱如煮。無箇茗糜難御暑。空搖白團其
諦苦。欲向縹囊還歸旅。江鄉鯖鮓不寄來。秦人湯
餅那堪許。不如儂家任挑達。草屨撈蝦富春渚。

○雪中憶李楫

雜言

積雪滿阡陌。故人不可期。長安千門復萬戶。何處
蹀躞黃金羈。

送李睢陽

將置酒。思悲翁。使君去。出城東。麥漸漸。雉子斑。槐

陰陰。到潼關。騎連連。車遲遲。中心悲。宋又遠。周間
之。南淮夷。東齊兒。碎碎織練。與素絲。遊人賈客。信
難持。五穀前熟。方可爲。下車閉閣。君當思。天子當
殿儼衣裳。大官尚食陳羽觴。彤庭散綬垂鳴璫。黃
紙詔書出東廂。輕紈疊綺爛生光。宗室子弟君最
賢。分憂當爲百辟先。布衣一言相爲死。何況聖主
恩如天。鸞聲噦噦魯侯旗。明年上計朝京師。須憶
今日斗酒別。慎勿富貴忘我爲。

○答張五弟雜言

終南有茅屋。前對終南山。終年無客長閉關。終日無心長自閑。不妨飲酒復垂釣。君但能來相往還。



王摩詰詩集卷之二

終



王摩詰目錄卷三

五言律詩

奉和聖製賜史供奉曲江應制

早朝

同崔員外秋宵寓直

聽宮鶯

和尹諫議史館山池

從岐王過楊氏別業應教

從岐王夜讌衛家山池應教

奉和楊駙馬六郎秋夜即事

春日上方即事

山居秋暝

山居即事

秋夜獨坐

冬晚對雪憶胡居士家

歸嵩山作

歸輞川作

輞川間居

輞川閒居贈裴秀才迪

淇上即事田園

終南別業

晚春嚴少尹諸公見過

鄭果州見過

與盧象集朱家

喜祖三至留宿

黎拾遺昕裴迪見過秋夜對雨之作

待儲光羲不至

送元中丞轉運汎淮

送李判官赴江東

送邢桂洲

送梓州李使君

送楊長史赴果州

送岐州源長史歸

送錢少府還藍田

送方城韋明府

送丘爲往唐州

送丘爲落第歸江東

送嚴秀才還蜀

送孫秀才

送崔九與宗遊蜀

送崔興宗

送張五湮歸宣城

送崔三往密州觀省

送孫二

送友人南歸

送趙都督代州

送劉司直赴安西

送張判官赴河西

送平澹然判官

送李員外賢郎

送張道士歸山

同崔興宗送瑗公

留別錢起

留別丘爲

過福禪師蘭若

夏日過青龍寺謁操禪師

過香積寺

登辨覺寺

過感化寺曇興上人仙院

遊李山人所居因題屋壁

漢江臨帆

汎前陂

終南山

登河北城樓作

裴廸秀才小亭作

涼州郊外游望

觀獵

酬嚴少尹徐舍人見過不遇

酬張少府

酬虞部蘇員外過藍田別業不見留之作

酬比部楊員外暮宿琴堂朝躋書閣率爾見

贈之作

酬賀四贈葛巾之作

寄荊州張丞相

被出濟州

使至塞上

晚春閨思

過秦王墓

雜詩

酬慕容上

韋給事山居

春園即事

過崔駙馬山池

送封太守

送賀遂員外外甥

送宇文三赴河西充行軍司馬

千塔主人

愚公谷三首

慕容承携素撰見過

戲題示蕭氏外甥

故太子太師徐公挽歌四首

故西河郡杜太守挽歌三首

故南陽夫人挽歌

達奚侍郎夫人寇氏挽歌二首

恭懿太子挽歌五首

資聖寺送甘二

王摩詰詩集卷之三

唐 藍田王 維 撰

宋 廬陵劉辰翁 評

五言律詩

奉和聖製賜史供奉曲江應制

一作自

侍從有鄒枚。瓊筵就水開。言陪柏梁宴。新下建章
來。對酒山河滿。移舟草樹迴。天文同麗日。駐景惜
行杯。

頌云之趣

早朝

柳暗百花明。春深五鳳城。城烏一作鷓睥睨曉。宮井轆轤
聲。方朔金門侍。班姬玉輦迎。仍聞遣方士。東海訪蓬瀛。

○同崔員外秋宵寓直

建禮高秋夜。承明候曉過。九門寒漏徹。萬井曙鍾
多。月迥藏珠斗。雲消出絳河。更慚衰朽質。南陌共
鳴珂。

頌云藏出字
有趣

○聽宮鶯

春樹繞宮墻。

一作宮鶯次第翔

春鶯囀曙光。忽驚啼暫斷。移處弄還

長。隱葉棲承露。攀花出未央。遊人應未返。爲此思

故鄉。

○和尹諫議史館山池

一作靈

雲館接天居。霓裳侍玉除。春池百子外。芳樹萬年

餘。洞有仙人籙。山藏太史書。君恩深漢帝。且莫上

空虛。一作雲

顧云句內生意更細便淺

○從岐王過楊氏別業應教

一作處

一作緩

楊子譚經所淮王載酒過興闌啼鳥換坐久落花
多徑轉迴銀燭林開散玉珂嚴城時未啓前路擁
笙歌

○從岐王讌衛家山池應教

座客香貂滿宮娃綺幔張澗花輕粉色山月少燈
光積翠紗窻暗飛泉繡戶涼還將歌舞出歸路莫
愁長

奉和楊駙馬六郎秋夜即事

高樓月似霜。秋夜鬱金堂。對坐彈盧女。同看舞鳳凰。少兒多送酒。小玉更焚香。結束平陽騎。明朝入建章。

春日上方即事

好讀高僧傳。時看辟穀方。鳩形將刻杖。龜殼用支床。柳色春山暎。梨花夕鳥藏。北窻桃李下。閒坐但焚香。

新異

一作花明

一作步

總無可點自
是好

自是維持
頌云決非俗
物可及

○山居秋暝

空山新雨後。天氣晚來秋。明月松間照。清泉石上流。竹喧歸浣女。蓬動下漁舟。隨意春芳歇。王孫自可留。

○山居即事

寂寞掩柴扉。蒼茫對落暉。鶴巢松徑遍。人訪蕞門稀。嫩竹含新粉。紅蓮落故衣。渡頭燈火起。處處採菱歸。

頌云極平易
有點化

○秋夜獨坐

獨坐悲雙髮。空堂欲二更。雨中山果落。燈下草蟲鳴。白髮終難變。黃金不可成。欲知除老病。惟有學無生。

○冬晚對雪憶胡居士家

一作催唱曉

一作減

一作處

一作簾

寒更傳曉箭。清鏡覽衰顏。隔牖風驚竹。開門雪滿山。灑空深巷靜。積素廣庭閒。借問袁安舍。條然尚閉關。

顧云選語

已近自然

○ 歸嵩山作

一作晴

清川帶長薄。車馬去閒閒。流水如有意。暮禽相與

一作雲

還。荒城臨古渡。落日滿秋山。迢遞嵩高下。歸來且

一作山

閉關。

○ 歸輞川作

谷口疎鍾動。漁樵稍欲稀。悠然遠山暮。獨向白雲
歸。菱蔓弱難定。楊花輕易飛。東皋春草色。惆悵掩

柴扉。

類以無情之
景述無情之
意復非作者
所有

○輞川閒居

一從歸白社。不復到青門。時倚簷前樹。遠看原上村。青菰臨水暎。白鳥向山翻。寂寞於陵子。桔槔方灌園。

○輞川閒居贈裴秀才迪

寒山轉蒼翠。秋日水潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

○淇上即事田園

屏居淇水上。東野曠無山。日隱桑柘外。河明閭井間。牧童望村去。獵犬隨人還。靜者亦何事。荆扉乘晝關。

○終南別業

頌云自是唐人古詩不可謂律

中歲頗好道。晚家南山隈。興來每獨往。勝事空自知。行到水窮處。坐看雲起時。偶然值林叟。談笑無還期。

無言之境不可說之味不知者以為淡易其質如此故自難及

頌云開口信
意無不精到

○晚春嚴少尹諸公見過

松菊荒三徑。圖書共五車。烹葵邀上客。看竹到貧家。
鵲乳先春早。鶯啼過落花。自憐黃髮暮。一倍惜年華。

○鄭果州見過

一作斜

麗日照殘春。初晴草木新。牀頭磨鏡客。花下灌園

一作前

人。五馬驚窮巷。雙童逐老身。中厨辦粗飯。一作常恐當恕阮

家貧。

○與盧象集朱家

主人能對客。終日有逢迎。貫得新豐酒。復聞秦女
箏。柳條疎客舍。槐葉下秋城。笑語且爲樂。吾將適
此生。

○喜祖二至留宿

門前洛陽客。下馬拂征衣。不枉故人駕。平生多掩
扉。行人返深巷。積雪帶餘暉。蚤歲同袍者。高車何
處歸。

○黎拾遺所裴廸見過秋夜對雨之作

促織鳴已急。輕衣行向重。一作尚寒燈坐高館。秋雨聞疎
鍾。白法調狂象。玄言問老龍。何人顧蓬徑。深愧求
羊蹤。

待儲光羲不至

重門朝已啓。起坐聽車聲。要欲聞清佩。方將出戶
迎。曉鍾鳴上苑。疎雨過春城。了自不相顧。臨堂空
復情。

送元中丞轉運汎淮

一作錢起詩

薄稅歸天府。輕徭賴使臣。歡霑賜帛老。恩及卷綃人。
去問珠官俗。來看石劫城。東南御亭上。莫使有風塵。

送李判官赴江東

聞道皇華使。方隨皂蓋臣。封章通左語。冠冕化文身。
樹色分楊子。潮聲滿富春。遙知辨璧吏。恩到泣珠人。

○送邢桂州

鏡吹喧京口。風波下洞庭。赭圻將赤岸。擊汰復揚
舲。日落江湖白。潮來天地青。明珠歸合浦。應逐使
臣星。

○送梓州李使君

萬壑樹參天。一作鄉音聽千山響杜鵑。山中一夜雨。一作半樹杪百重
泉。漢女輸種布。巴人訟芋田。文翁翻教授。不敢倚

先賢。

顧云響字奇

送楊長史赴果州

褒斜不容憶。之子去何之。鳥道一千里。猿啼十二時。官橋祭酒客。山木女郎祠。別後同明月。君應聽子規。

送岐州源長史歸

源與余同在崔常侍幕中時常侍已沒

握手一相送。心悲安可論。秋風正蕭索。客散孟嘗門。故驛過槐里。長亭下檜原。征南舊旌節。從此向河源。

○送錢少府還藍田

草色日向好。桃源人去稀。
手持平子賦。目送老萊衣。
每候山櫻發。時同海燕歸。
今年寒食酒。應得返柴扉。

○送方城韋明府

遙思葭菼際。寥落楚人行。
高鳥長淮水。平蕪故郢城。
使車聽雉乳。縣鼓應雞鳴。
若見州從事。無嫌手板迎。

平：寫到盡

○送丘爲往唐州

宛洛有風塵。君行多苦辛。四愁連漢水。百口寄隨人。
槐色陰清晝。楊花惹暮春。朝端宵相送。天子繡衣臣。

○送丘爲落第歸江東

憐君不得意。况復柳條春。爲客黃金盡。還家白髮新。
五湖三畝宅。一作地萬里一歸人。一作行知爾不能薦。一作補羞稱獻

納臣。

稱一作爲一作看

頌云緩語妙。

○送嚴秀才還蜀

一作真

寧親為令子。似舅即賢甥。別路經花縣。還家入錦城。
山臨青塞斷。江向白雲平。獻賦何時至。明君憶長卿。

○送孫秀才

一作春

一作紋

帝城風日好。况復建平家。玉枕雙文篔。金盤五色瓜。
山中無魯酒。松下飯胡麻。莫厭田家苦。歸期遠復賒。

○送崔九與宗游蜀

送君從此去。轉覺故人稀。徒御猶迴首。田園方掩
扉。出門當旅食。中路授寒衣。江漢風流地。游人何
處歸。一作歲

○送崔興宗

已恨親皆遠。誰憐友復稀。君王未西顧。游宦盡東
歸。塞迴江河淨。天長雲樹微。方同菊花節。相待洛
陽扉。

最是自得

○送張五湮歸宣城

五湖千萬里。况復五湖西。漁浦南陵郭。人家春穀
溪。欲歸江淼淼。未到草凄凄。憶昔蘭陵鎮。可宜後
更啼。

○送崔三往密州覲省

南陌去悠悠。東郊不少留。同懷扇枕戀。獨念倚門
愁。路遶天山雪。家臨海樹秋。魯連功未報。且莫蹈
滄洲。

送孫二

郊外誰相送一作部夫君道術親書生鄒魯客才子洛陽

人祖席依寒草行車起暮塵山川何寂寞長望淚

霑巾

送友人南歸

萬里春應盡三江鴈亦稀一作飛連天漢水廣孤客郢城

歸鄖國稻苗秀楚人菰米肥懸知倚門望遙識老

萊衣米一作葉一作菜

畫謝點深情
思蕭然

送趙都督赴代州

得青字

天官動將星。漢上柳條青。一作地萬里鳴刁斗。三軍出井

陘。忘身辭鳳闕。報國取龍庭。豈學書生輩。窻間老

一經。

送劉司直赴安西

絕域陽關道。胡沙一作烟與塞塵。三春時有鴈。萬里少行

人。苜蓿隨天馬。葡萄逐使臣。當令外國懼。不敢覓

和親。

無意之意

○送張判官赴河西

單車曾出塞。報國敢邀勲。見逐張征虜。今思霍冠軍。
沙平連白雪。蓬捲入黃雲。慷慨倚長劍。高歌一送君。

○送平澹然判官

不識陽關路。新從定遠侯。黃雲斷春色。画角起邊愁。
瀚海經年到。交河出塞流。須令外國使。知飲月支頭。

送李員外賢郎

少年何處去。負米上銅梁。借問阿戎父。知爲童子郎。魚箋請詩賦。種布作衣裳。蕙苾扶衰病。歸來幸可將。

送張道士歸山

一作茅

先生何處去。王屋訪毛君。別嬾留丹訣。驅雞入白雲。人間苦難住。天上復離羣。當作遼東鶴。仙歌使

爾聞。

苦難一作若剩一作數剩

兩語皆到

新意

○同崔興宗送瑗公

言從石菌閣。新下穆陵關。獨向池陽去。白雲留故
山。綻衣秋日裏。洗鉢古松間。一施傳心法。惟將戒
定還。

○留別錢起

一作晚歸藍田酬中書常舍人
一作錢起詩題云晚歸藍田酬王維給事

卑棲却得性。每與白雲歸。狗祿猶懷橘。看花免採
薇。暮禽先去馬。新月待開扉。霄漢時迴首。知音青
瑣闥。

首四句一作
別山如昨日
春露已沾衣
采蕨頻盈手
看花空獸歸

留別丘爲

歸鞍白雲外。繚繞出前山。今日又明日。自知心不
閒。親勞簪組送。欲趁鶯花還。一步一迴首。遲遲向
近關。

○ 過福禪師蘭若

巖壑轉微徑。雲林隱法堂。羽人飛奏樂。天女蹠焚
香。竹外峯偏曙。藤陰水更涼。欲知禪坐久。行路長
春芳。

夏日過青龍寺謁操禪師

龍鍾一老翁。徐步謁禪宮。
欲問義心義。遙知空病
空。山河天眼裏。世界法身中。
莫怪銷炎熱。能生大
地風。

過香積寺

一作王昌齡詩

不知香積寺。數里入雲峯。
古木無人徑。深山何處
鍾。泉聲咽危石。日色冷青松。
薄暮空潭曲。安禪制
毒龍。

○登辨覺寺

一作連

竹徑從初地。蓮峯出化城。窻中三楚盡。林外九江○

一作靜
一作上

平輦草承趺。坐長松響梵聲。空居法雲外。觀世得

一作嫩

無生。

○過感化寺曇興上人仙院

暮持筇竹杖。相待虎溪頭。催客聞山響。歸房逐水流。堊花藂發好。谷鳥一聲幽。夜坐空林寂。松風直

似秋。

畧不用思

游李山人所居因題屋壁

世上皆如夢。狂來或自歌。問年松樹老。有地竹林多。
藥倩韓康賣。門容尚子過。翻嫌枕席上。無那白雲何。

○ 漢江臨眺

楚塞三湘接。荆門九派通。江流天地外。山色有無中。
郡邑浮前浦。波瀾動遠空。襄陽好風日。畱醉與山翁。

碩云以茅處
本渾成但雜
擬作恐近淺
率

○汎前陂

秋空自明迥一作明月况復遠人間暢以沙際鶴兼之雲外

山澄波澹將夕清月浩方閒此夜任孤棹夷猶殊

未還

○終南山

太乙近天都連山到海隅白雲迴望合青靄入看一作天

無分野中峯變陰晴衆壑殊欲投人處宿一作浦隔水問

樵夫

語不必澁僻
清奪衆妙
顧云末語派
麗

○登河北城樓作

一作傳

井邑傳巖上客亭雲霧間高城眺落日極浦暎蒼
山岸火孤舟宿漁家夕鳥還寂寥天地外心與廣
川閒

○裴迪秀才小亭作

端居不出戶滿目望雲山落日鳥邊下秋原人外
閒遙知遠林際不見此簷間好客多乘月應門莫
上關

○涼州郊外游望

野老才三戶。村邊少四鄰。婆娑依里社。簫鼓賽田
神。灑酒澆芻狗。焚香拜木人。女巫紛屢舞。羅襪自
生塵。

○觀獵

○一作動風勁角弓鳴。將軍獵渭城。草枯鷹眼疾。雪盡馬蹄
輕。忽過新豐市。還歸細柳營。回看射鵰處。千里暮
雲平。

極是画意

氣緊

酬嚴少尹徐舍人見過不遇

公門暇日少。窮巷故人稀。偶值乘籃輦。非關避白衣。
不知炊黍否。誰解掃荆扉。君但傾茶碗。無妨騎馬歸。

○ 酬張少府

晚年惟好靜。萬事不關心。自顧無長策。空知返舊林。
松風吹解帶。山月照彈琴。君問窮通理。漁歌入浦深。

○ 酬虞部蘇員外過藍田別業不見留之作

貧居依谷口。喬木帶荒村。石路枉迴駕。山家誰候

門。漁舟膠凍浦。獵火燒寒原。惟有白雲外。疎鐘聞

夜猿。

○ 酬比部楊員外暮宿琴堂朝躋書閣率爾見

贈之作

舊簡拂塵看。鳴琴候月彈。一作僕桃源迷漢姓。一作花松徑有秦

官。空谷歸人少。青山背日寒。羨君歸隱處。遙望白

雲端。

酬賀四贈葛巾之作

野巾傳惠好。茲貺重兼金。嘉此幽棲物。能高隱吏
心。早朝方暫掛。晚沐更來簪。一作復坐覺塵囂遠。思君共
入林。

○寄荊州張丞相

所思竟何在。悵望深荆門。舉世無相識。終身思舊
恩。方將與農圃。藝植老丘園。目盡南無鴈。何由寄

一言。

被出濟州

微官易得罪。謫去濟川陰。執政方持法。明君無此
心。閭閻河潤上。井邑海雲深。縱有歸來日。各愁年
髮侵。

○使至塞上

一作衝命。辭天闕。單車欲向天。

單車欲問邊。屬國過居延。征蓬出漢塞。歸鴈入胡
天。大漠孤烟直。長河落日圓。蕭關逢候騎。都護在

亦是不用一辭

燕然。

○晚春閨思

一作篇

新妝可憐色。落日卷羅幃。鑪氣清珍簾。墻陰上玉
墀。春蟲飛網戶。暮雀隱花枝。向晚多愁思。閒窻桃
李時。

不俯仰刻畫
甚有意味

○過秦王墓

時年十五

古墓成蒼嶺。幽宮象紫臺。星辰七曜隔。河漢九泉
開。有海人寧渡。無春鴈不迴。更聞松韻切。疑是大

夫哀。

雜詩

雙燕初命子。五桃初結花。一作作王昌是東舍。宋玉次西
家。小小能織綺。時時出浣沙。親勞使君問。南陌駐
香車。

酬慕容上

行行西陌返。駐幘問車公。挾轂雙官騎。應門五尺
僮。老年如塞北。強起離墻東。爲報壺丘子。來人道

姓蒙。

○ 韋給事山居

尋幽得此地。詎有一人曾。
大壑隨階轉。羣山入戶登。
庖厨出深竹。印綬隔垂藤。
即事辭軒冕。誰云病未能。

○ 春園即事

宿雨乘輕屐。春寒着弊袍。
開畦分白水。間柳發紅桃。
草際成棋局。林端舉桔槔。
還持鹿皮几。日暮隱

上句更好

蓬蒿。

過崔駙馬山池

畫樓吹笛妓。金埒一作梳酒家胡。錦石稱貞女。青松學大
夫。脫貂賞桂一作酌醕。射鴈與山厨。聞道高陽會。愚公谷
正愚。

送封太守

忽解羊頭削。聊馳熊首幡。揚舲發夏口。按節向吳
門。帆映丹陽郭。楓攢赤岸村。百城多候吏。露冕一

何尊。

○送賀遂負外甥

南國有歸舟。荆門沂上流。蒼茫葭菼外。雲水與昭
丘。檣帶城烏去。江連暮雨愁。猿聲不可聽。莫待楚
山秋。

送宇文三赴河西充行軍司馬

橫吹一作笛雜繁笳。邊風掩塞沙。還聞田司馬。更逐李輕
車。一作壘蒲類成秦地。一作居莎車屬漢家。當令犬戎國。朝聘學

昆耶。

千塔主人

逆旅逢佳節。征帆未可前。
窻臨汴河水。門渡楚人船。
雞犬散墟落。桑榆蔭遠田。
所居人不見。枕席生雲煙。

愚公谷

青龍寺與黎昕戲題三首

愚谷與誰去。唯將黎子同。
非須一處住。不那兩心空。
寧問春將夏。誰論西復東。
不知吾與子。若箇是

愚公。

其二

吾家愚谷裏。此谷本來平。雖則行無跡。還能響應聲。不隨雲色暗。只待日光明。緣底名愚谷。都由愚所成。

其三

借問愚公谷。與君聊一尋。不尋翻到谷。此谷不離心。行處曾無險。看時豈有深。寄言塵世客。何處欲

歸臨。

慕容承携素饌見過

紗帽烏皮几。閒居懶賦詩。門看五柳識。年筭六身知。靈壽君王賜。雕胡弟子炊。空勞酒食饌。特底解人頤。

戲題示蕭氏外甥

憐爾解臨池。渠翁未學詩。老夫何足似。弊宅倘因之。蘆筍藏荷葉。菱花罨鴈兒。却公不易勝。莫著外

家欺。

故太子太師徐公挽歌四首

功德冠羣英。彌綸有大名。軒皇用風后。傳說是星。

精就第優遺。老來朝詔不名留。侯常辟穀何苦不。

長生。

謀猷為相國。翊贊奉乘輿。一作宸劔履升前殿。貂蟬託後。

車。齊侯疏土宇。漢室賴圖書。僻處留田宅。仍纔十。

頃餘。一作暇

舊里趨庭日。新年置酒辰。聞詩鸞渚客。獻賦鳳樓
人。北闕辭明主。東堂哭大臣。猶思御朱輅。不惜汗
車茵。

久踐中台座。終登上將壇。誰言斷車騎。空憶盛衣
冠。風日咸陽慘。笳簫渭水寒。無人當便闕。應罷太
師官。

故西河郡杜太守挽歌三首

天上去西征。雲中護北平。生擒白馬將。連破黑雕

城忽見芻靈苦。徒聞竹使榮。空留左氏傳。誰繼卜

商名。

返。葬。金。符。守。同。歸。石。窳。棲。卷。衣。悲。畫。翟。持。翼。待。鳴。
雞。容。衛。都。人。慘。山。川。駟。馬。嘶。猶。聞。隴。上。客。相。對。哭。
征。西。

塗。芻。去。國。門。秘。器。出。東。園。太。守。留。金。印。夫。人。罷。錦。
軒。旌。旄。轉。衰。木。簫。鼓。上。寒。原。坟。樹。應。西。靡。長。思。魏。
闕。恩。

故南陽夫人挽歌

錦衣餘翟茀。繡轂罷魚軒。淑女詩常在。夫人法尚
存。凝笳隨曉旆。行哭向秋原。歸去將何見。誰能返
戟門。

達奚侍郎夫人寇氏挽歌二首

束帶將朝日。鳴環暎牖辰。能令諫明主。一作皇。相勸識賢
人。遺挂空留壁。迴文日覆塵。金蠶將畫柳。何處更

知春。

女史悲彤管。夫人罷錦軒。卜瑩占二室。行哭度千
門。秋日光能淡。寒川波自翻。一作浪一朝成萬古。松柏暗
平原。

恭懿太子挽歌五首

何悟藏環早。纔知拜壁年。翀天王子去。對日聖君
憐。樹轉宮猶出。笳悲馬不前。雖蒙絕馳道。京兆別
開阡。

蘭殿新恩切。椒宮夕臨幽。白雲隨鳳管。明月在龍

樓人向青山哭。天臨渭水愁。雞鳴常問膳。今恨玉
京留。

騎吹凌霜發。旌旗夾路陳。愷容金節護。冊命玉符
新。傳母悲香襍。君家擁畫輪。射熊今夢帝。秤象問
何人。

蒼舒留帝寵。子晉有仙才。五歲過人智。三天使鶴
催。心悲陽祿館。目斷望思臺。若道長安近。何爲更
不來。

西望昆池闊。東瞻下杜平。山朝豫章館。樹轉鳳凰
城。五校連旗色。千門疊鼓聲。金環如有驗。還向畫
堂生。

資聖寺送甘二

此側體舊本却以入律故附之末

浮生信如寄。薄宦夫何有。來往本無歸。別離方此
受。柳色藹春餘。槐陰清夏首。不覺御溝上。啣悲執
杯酒。

王摩詰詩集卷之三

終



西望

城五

堂生

資聖

浮生

交柳

林酒

王康詩集卷之三





浙江圖書館善本


甲 登記號：018608

一九 年 月 日











Seal impression in seal script (Zhuanshu) on a dark background. The characters are arranged in two columns, reading from right to left. The right column contains the characters 上海圖書館藏 (Shanghai Library Collection) and the left column contains 藏書 (Collection of Books).





TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------